


Edukasyon sa Pagpapakatao

Una Nga Graduhan:
Modyul 1: Akus Ko, Maapi Ako





Aradman

Ine nga modyul may ada mga impormasyon hiunong hin Pagtapod ha Kalugaringon. Hinay-hinay ngan mabusisi ini na ginhimo an kada detalye o an sulod hine nga modyul para hul-os nga maintindihan an durudilain nga mga tawo.

Pagkatapos hini na mga buruhaton ha modyul, naglalaom kami nga maipakita mo an:

1. Nahibabaruan an akus buhaton (EsP3PKP-Ia-13)



Inadman

Batuna an mga pakiana ngan isurat ine ha usa nga malimpyo na papel.

Paghimo hin usa ng sanaysay hiunong ha imo kalugaringon ngan talento. An mga pakiana ha ubos an magseserbi nga giya para makahimu ka hin usa nga sanaysay hiunong ha imo kalugaringon.

1. Puydi mo ba maipakilala an imo kalugaringon? Ano an imo ngaran, edad, grado, hino imo kag-anak ngan diin ka naukoy?
2. Ano an imo talento, mga hilig ngan interes nga gimbubuhat kada adlaw?
3. Ano-ano an imo inaabat samtang ginhihimo mo an imo mga hilig o interes?
4. Para ha imo, kanay ka hini sumupo? Kay ano?

Akus Ko, Maapi Ako !



Panumdom

Kaya ko, Hihimuon ko!

Usa kita nga indibiduwal . Pamatuod nga kita may ada dirudilain nga pagkakaiba ha mga butang sugad hin gios, mga karuyag buhaton, talento, ngan abilidad. Kumo usa nga tawo diri ngatanan nga may ada ka, may ada liwat an iba nga tawo. Ini panumdoman nga kada usa nga tawo mayda pagkakaiba-iba. Hinay-hinay natun nga makikilala ngan mababaruan an mga talento nga akus buhaton ngan abilidad nga may ada kita kumo usa nga indibiduwal. Kinahanglan la hin pagtapod ngan apresasyon ha kalugaringon para mahigara ha mga butang nga karuyag naton buhaton.

An talento ngan akus buhaton, ginhatag han Ginoo sanglit aton ine pauswagon, ngan gamiton ha kada adlaw, ngan ipaangbit ha iba nga tawo. Kumo usa nga bata, kinahanglan mahibauran ngan pauswagon mo an imo talento ngan akus buhaton. Usahay , may ada kita higayon nga ikaw nagugupong ha imo kalugaringon kun ano ba talaga an imo akus nga buruhaton ngan talento. Piro, ayaw igkahulop kay puydi ka kaupod han mga gintatawag nga Late Bloomer (Usa nga tawo nga nauurhi maipakita an iya talento akus buhaton kumpara ha iba).

Importante nga kun imo mabaruan an imo talento ngan akus buhaton , padayon ine nga pauswagon ha pamaagi han pagpapahigara hini ha kada adlaw. Regalo ini tikang ha Ginoo sanglit man igpaangbit ini ha iba nga tawo para magrabong pa.



Maaram Ka Ba?


Buruhaton 1

Direksyon: Kitaan hin maupay an mga ladawan ha kada kahon.


A.



B.



C.



Buruhaton 2

Batona an mga pakiana ngan isurat an imo baton ha papel.

1. Hira hino an aada ha ladawan?
2. Ha imo pagkita, pareho ba ha imo ini na kabataan na aada ha ladawan?
3. Hain hira nagkakaiba-iba hin buruhaton?

Repleksyon

4. Hain dinhi ha mga ladawan an akus mo buhaton?
5. Kun ikaw magdrodrowing hin usa nga ladawan subay ha imo talent, hain dinhi an imo igdrodrowing? Kay ano?



Adman 'ta

1. Pamiling ngan paggunting hin usa nga ladawan tikang ha diyaryo, magasin, o bisan ha daan nga libro na may pagkakapareho ha imo mga interes, o karuyag buhaton ngan idikit ini ha usa nga bond paper, puydi mo gihap ini igdrowing. Batuna an pakiana ha ubos para igiya ka ha imo hirimuon nga sanaysay hiunong ha ladawan nga gindikit o gindrowing.

2. Paghimo hin usa nga halipot nga istorya han imo igindikit o gindrowing nga ladawan ha igbaw nga nagkukumpara han imo kalugaringon nga interes o karuyag buhaton.

Mga Pakiana

A. Ano an akus mo buhaton nga makikita ha ladawan?

B. Kay ano mo ine ginpili nga ladawan o gindrowing? Mayda ba ine pagkakapareho ha imo kalugaringon nga talento o abilidad?

C. Ano an pagkakapareho han ladawan nga aada ha igbaw ngan han imo kalugaringon nga talento?





Mga Buruhaton

4




Musical

Ine nga talent nalilipay hin paghimo hin musika, pagkanta, o pagtukar hin instrumento.



Social Services

Nalilipay nga nakakabulig ha iba na tawo



Clerical

Nalilipay pagbuhat o pag-uyag hin mga buruhaton pan opisina

Kitaa hin maupay an kada ladawan ngan hunahunaa an karuyag han kalugaringon, talento ngan abilidad. Itutdo kun diin ha mga ladawan naangay an imo talent o akus buhaton . Batuna an mga pakiana ngan isurat ha papel.

- A. 1. Kay ano ka nagsiring nga ikaw naangay ha ladawan nga imo napili? _____
2. Pirme mo ba itun binubuhat? Nalilipay ka ba pag ini imo nahihimu? Kay ano? _____
- B. Isurat an imo mga akus buhaton o talento ha papel ngan himua na giya an mga pakiana ha igbaw. Ano-ano daw la an mga akus ko buhaton?

An Akon Mga Akus Buhaton

1. _____
2. _____
3. _____
4. _____
5. _____



Akon Nahibaruan

Pirme hunahunaa nga kinahanglan tagan importansya an aton mga buruhaton kay makakabulig ini para mas maging maupay ngan produktibo kita ha kada adlaw ngan diri ini nanginginahnglan hin tama nga pan edarun, estado ha kinabuhi ngan karikuhan. An pinaka importante ha ngatanan mahibaru kita pagbuhat han mga buruhaton nga nagpapalipay ha aton hin makasi-kasi.

Sanglit ha bisan ano man nga buruhaton naton, pirmi hunahunaa nga buhaton naton ini hin tama, mahusay, ngan mainuswagon. Kay tungod makakahatag ini ha aton hin kalipayan ha kasing-kasing ngan makakabulig kita ha aton pamilya ngan ha komunidad.



Akon Mabubuhat

Basaha ngan intindiha an kada pulong. Igsurat an **tsek (/)** kun para ha imo ansya na an nakabutang ha pamulong ngan **Ekis (X)** kun diri ansya para ha imo an nakabutang ha pamulong.

- _____ 1. An aton talento ngan akus buhaton usa nga regalo tikang ha Ginoo.
- _____ 2. Kinahanglan mo buhaton kada adlaw ngan pauswagon an imo talento .
- _____ 3. Awdunon ako sanglit papabay-an ko nala an talento nga mayda ako.
- _____ 4. Diri ko kaya umatubang ha damo nga tawo sanglit diri na kinahanglanon nga mabaruan ko pa an akon talento.
- _____ 5. An paghahatag hin importansya ha talento usa nga pamatuod nga higugmaon naton an aton kalugaringon ngan an Ginoo.



Pagsukol han Nahibaruan

Basaha ngan intindiha hin maupay an kada pamulong. Butangi hin tsek (/) an blanko kun ini naabuyon ha imo hilig o talento ngan ekis (x) kun ini diri naabuyon ha imo hilig o talento. Isurat ha papel an iyo baton .

- _____1. Nagtutukar hin Gitara
- _____2. Nag uuyag hin Chess
- _____3. Makarit ha mga numero o Matematika
- _____4. Makarit ha asignatura nga Ingles
- _____5. Mahilig ngan makarit sumayaw
- _____6. Mahilig umapi ha paisan- isan hin pag desinyo sugad hin poster/slogan
- _____7. Mahuyo ngan mahilig magbasa
- _____8. Mahilig magsurat hin luwa o poem
- _____9. Makarit ha pag -uyag hin Ballgames sugad hin Basketball ngan Volleyball
- _____10. Mahilig mag eksperimento hi mga may kapulsasan nga butang.



Kadugangan nga Buruhaton

8

Basaha ngan intindiha an kada pamulong. Pilia an tama nga letra han baton ngan igsurat ha papel.

1. An talento ngan akus buhaton grasya han _____.
a. Ginoo b. Sangkay c. Kag-anak d. Eskwelahan
2. Usa ini nga klase han sitwasyon nga nahibabaruan naton an aton akus buhaton o talento pag abot ha tama nga pan edarun o sobra pa.
a. Late Bloomer
b. Exploring Stage
c. Discovery Stage
d. Kabanata han pagdiskubre han talent
3. An kada tawo may pagkakaiba-iba sanglit kita tinatawag nga _____.
a. indibidwal b. magkahawig c. kapuwa-tao d. kapareho
4. Kay ano kinahanglanon na mabaruan naton an aton mga talento, hilig, ngan akus buhaton ha timprano nga pan edarun?
a. Para naton ini maging kusog
b. Para naton ine maging kaluyahan
c. Para naton ini mapakita ha tawo
d. Para naton ini mapauswag ha pamaagi hin paggamit ha kada adlaw.
5. An pagkahibaro ha aton mga kalugaringon nga talento ngan akus buhaton na mga butang nakakapamatuod nga mas hilarom an aton.
a. pagkilala ha aton kalugaringon
b. pagkilala ha aton kakusugan
c. pagkilala ha aton kaluyahan
d. pagkilala ha kaibahan han tawo



Mga Baton

Akon mabubuhāt 1. / 2. / 3. X 4. X 5. /	Pagsukol han nahibaraan An baton naka depende ha interes ngan talento han eskuwela.	Kadugangan na Buruhaton 1. a 2. a 3. a 4. d 5. a
---	--	--